

Na osnovu Ugovora o finansijskoj liniji za podsticaj u zapošljavanju privrednim subjektima Općine Novo Sarajevo i Bosna Bank International d.d. Sarajevo zaključenog dana 19.09.2019. objavljuje se:

# JAVNI POZIV

## PRIVREDNIM SUBJEKTIMA ZA PODNOŠENJE ZAHTEVA ZA ODOBRENJE FINANSIRANJA

### 1. PREDMET POZIVA

Predmet poziva je prikupljanje zahtjeva za odabir korisnika sredstava finansiranja u skladu sa uslovima javnog poziva za subvencioniranje profitne marže.

### 2. PRAVO UČEŠĆA - KORISNICI LINIJE FINANSIRANJA

#### 2.1. Pravo učešća

Pravo apliciranja za finansiranje imaju privredni subjekti - fizička i pravna lica koja trajno obavljaju zakonom dozvoljene djelatnosti radi ostvarivanja dohotka odnosno dobiti na način kako je propisano Odlukom o kriterijima za korištenje sredstava u saradnji sa bankama - finansijska linija za podsticaj zapošljavanju privrednim subjektima za 2019.godinu („Službene novine Kantona Sarajevo“ broj 11/19) koji:

1. imaju sjedište ili poslovnicu na području Općine i koji su 100% vlasništvo državljana BiH,
2. imaju sjedište ili poslovnicu na području općina Kantona Sarajevo i koji su 100% vlasništvo državljana BiH, uz uslov zapošljavanja novog/novih radnika koji ima/imaju prijavljeno mjesto prebivališta na području Općine od najmanje godinu dana prije zapošljavanja (dugoročna finansiranja),
3. posluju likvidno i zadovoljavajućeg su boniteta,
4. prema podacima iz CRK-a, imaju tekuću klasifikaciju S1 prema International Financial Reporting Standards (IFRS)<sup>1</sup>

Privredni subjekti - korisnici finansiranja moraju zadovoljiti opće uvjete za odobrenje finansiranja, u skladu sa procedurama i uvjetima BBI.

#### 2.2. Sredstva se neće odobravati za privredne subjekte koji:

1. imaju neizmirene poreske obaveze,
2. imaju neizmirene obaveze prema Općini što će se dokazati uvjerenjem Službe za privredu, budžet i finansije,
3. obavljaju djelatnost iz oblasti igara na sreću, zatim proizvodnje, prerade ili puštanja u promet duhanskih proizvoda i alkoholnih pića, proizvodnje koja ima značajan uticaj na zagađenje ljudske okoline i dokazanu štetnost po zdravlje stanovništva, trgovine na malo oružjem, municijom i vojnom opremom, kao i drugim djelatnostima koje nisu prihvatljive za BBI.

### 3. NAMJENA SREDSTAVA

Namjena sredstava je da se pruži finansijska podrška privrednim subjektima u održavanju broja zaposlenih i novom zapošljavanju u cilju rasta ukupnih privrednih aktivnosti, za tekuće poslovanje (kratkoročna finansiranja), trajna obrtna sredstva te osnovna sredstva i investicije (dugoročna finansiranja).

### 4. INFORMACIJE O VISINI SREDSTAVA, ROČNOSTI, NAMJENI, IZNOSIMA I VISINI SUBVENCIJE

Za realizaciju ove Linije finansiranja BBI je obezbjedila sredstva u iznosu do 4.000.000,00 KM, a Općina Novo Sarajevo će iznosom od 80.000,00 KM subvencionirati dio godišnje profitne marže u visini do 2,99%.

**Kratkoročna finansiranja** će se odobravati na period od 12 mjeseci u maksimalnom iznosu do 100.000,00 KM. Uslov za ostvarenje prava na subvenciju je zadržavanje istog broja zaposlenih u toku trajanja finansiranja, uredno izmirenje svih poreskih obaveza i dospjelih obaveza po finansiranju.

**Dugoročna finansiranja** na period do 60 mjeseci - će se odobravati privrednim subjektima uz uslov zapošljavanja najmanje jednog radnika na iznose do 100.000,00 KM, a za svakih dodatnih 100.000,00 KM, Korisnik sredstava je dužan zaposliti jednog novog radnika, najkasnije u roku od 9 mjeseci od dana početka korištenja finansiranja. Grace period je moguć do 9 mjeseci, a maksimalan iznos finansiranja zavisi od kreditne sposobnosti Korisnika sredstava procijenjene od strane BBI.

**Dugoročna finansiranja na period do 84 mjeseca** - će se odobravati privrednim subjektima za iznose finansiranja preko 100.000,00 KM uz uslov zapošljavanja po jednog novog radnika na svakih odobrenih 100.000,00 KM najkasnije u roku od 9 mjeseci od dana početka korištenja finansiranja. Grace period je moguć do 9 mjeseci, a maksimalan iznos finansiranja zavisi od kreditne sposobnosti Korisnika sredstava procijenjene od strane BBI.

Korisnici finansiranja plaćaju punu ugovorenu profitnu stopu, a po dokazivanju ispunjenja ugovorenih uslova, ostvaruju pravo na sredstva subvencije u istom iznosu, a prema pregledu iz tabele:

R. br.	Period finansiranja	Profitna marža prije subvencije	Subvencija Općine	Profitna marža nakon subvencije	Naknada za obradu zahtjeva
1.	Do 12 mjeseci	2,19%	2,19%	0,00%	0,10%
2.	Do 60 mjeseci	2,89%	2,89%	0,00%	0,15%
3.	Do 84 mjeseca	2,99%	2,99%	0,00%	0,20%

Iz ove finansijske linije, u toku godine, jednom privrednom subjektu može se odobriti više finansiranja, po jedno iz svake vrste, s tim da je Korisnik finansiranja obavezan ispuniti navedene uslove kumulativno u cilju sticanja prava za isplatu subvencije.

### 5. POTREBNA DOKUMENTACIJA

#### 5.1. Potrebna dokumentacija za apliciranje pravnih lica:

1. Zahtjev kojim se definiše namjena, iznos i rok otplate finansiranja;
2. Rješenje o upisu u sudski registar sa svim izmjenama i dopunama;
3. Aktuelni izvod iz sudskog registra ne stariji od 90 dana;
4. Statut i odluka o osnivanju preduzeća;
5. Uvjerenje o poreskoj registraciji od porezne uprave - ID broj;
6. Uvjerenje o registraciji obveznika poreza na dodanu vrijednost - PDV broj;
7. Obavještenje nadležnog zavoda za statistiku o razvrstavanju po djelatnostima;
8. Uvjerenje Porezne uprave o izmirenim direktnim porezima, ne starije od 30 dana;
9. Uvjerenje Uprave za indirektno oporezivanje o izmirenim indirektnim porezima, ne starije od 30 dana;

10. Kopija lične karte i CIPS-a za lica ovlaštena za zastupanje;
11. Izjava o povezanim licima;
12. Saglasnost za provjeru Centralnog registra kredita (CRK);
13. Izvještaj eksternog revizora (samo za dioničarska društva);
14. Poslovni plan, projektovani bilansi i gotovinski tokovi za period otplate finansiranja;
15. Program ili projekat, sažetak projekta po osnovu kojeg se podnosi zahtjev za finansiranje;
16. Očekivani efekti u zapošljavanju, shodno biznis planu;
17. Bilans stanja i uspjeha za prethodne dvije godine, te preliminarni finansijski pokazatelji za tekući period;
18. Dokumentacija za obezbjeđenje finansiranja i instrumenti obezbjeđenja finansiranja (kolateral) koje određuje Banka, u skladu sa svojom poslovnom politikom i ovisi o bonitetu komitenta; i
19. Po zahtjevu Banke i ostala dokumenta u skladu sa internim aktima Banke.

#### 5.2. Potrebna dokumentacija za apliciranje fizičkih lica (obrtnici i samostalne djelatnosti):

1. Uredno popunjen i ovjeren zahtjev za finansiranje;
2. Dokaz o namjenskom korištenju sredstva finansiranja (predračun, faktura, Ugovor o kupoprodaji, potvrda o ostatku duga);
3. Rješenje nadležnog općinskog organa za obavljanje djelatnosti;
4. Kopija kartona deponovanih potpisa lica ovlaštenih za zastupanje;
5. Specifikacija o utvrđivanju dohotka od samostalne djelatnosti za posljednje dvije godine;
6. Uvjerenje o poreskoj i PDV registraciji (ukoliko je djelatnost u obavezi);
7. Fotokopija LK - vlasnika samostalne djelatnosti;
8. Fotokopija CIPS potvrde - vlasnika samostalne djelatnosti;
9. Odgovarajući dokument koji dokazuje da vlasnik samostalne djelatnosti ima nekretninu u svom vlasništvu (stan, kuća, zemljište, poslovni prostor); odgovarajući dokument koji dokazuje vlasništvo - ZK izvadak, list nepokretnosti, posjedovni list (samo za ona područja u kojima nisu uspostavljene zemljišne knjige);
10. Po zahtjevu Banke i ostala dokumenta u skladu sa internim aktima Banke.

#### 5.3. Potrebna dokumentacija za založno pravo:

Potrebna vrijednost založnog prava u odnosu na iznos odobrenog finansiranja utvrđuje se u skladu sa aktima banke i ovisi od visine zahtjeva za finansiranje i sveukupnog boniteta klijenta.

#### 5.4. Uobičajene vrste kolaterala koje BBI banka prihvata i potrebna dokumentacija za založno pravo:

- Založno pravo na nekretnine;
- Založno pravo na opremu;
- Mjenice firme;
- Lične mjenice vlasnika privrednog društva ili obrta;
- Ugovor o asignaciji;
- Polisa osiguranja vinkulirana u korist BBI;
- Ostalo u dogovoru sa Bankom

Za ponuđeno obezbjeđenje (zalog pokretne i nepokretne imovine) obavezno je dostaviti procjenu sudskog vještaka (procjena nekretnine ne smije biti starija od 6 mjeseci i treba biti izvršena od ovlaštenog sudskog vještaka prihvatljivog za banku), dokument koji dokazuje vlasništvo (ZK izvadak ne stariji od 30 dana) i kopiju katastarskog plana.

### 6. MONITORING I OSTVARIVANJE PRAVA NA SUBVENCIJU

Monitoring ispunjenja ugovorenih uslova od strane korisnika se provodi polugodišnje, 30.06. i 31.12. provjerom urednog izmirenja obaveza po finansiranju i uvidom u dokumentaciju kojom se dokazuje da su korisnici ostvarili pravo na subvenciju, a na osnovu dostavljene:

1. Potvrde od Poreske uprave o urednom izmirenju obaveza,
2. Potvrde Uprave za indirektno oporezivanje o urednom izmirenju obaveza,
3. Obrascu 2001 za sve mjesece iz proteklog perioda

### 7. ROKOVI

Rok za podnošenje zahtjeva za finansiranje prema uslovima javnog poziva počinje teći od dana objavljivanja u sredstvima javnog informisanja. Proces odobrenja primljenih zahtjeva traje do 31.12.2019.

### 8. MJESTO I NAČIN PODNOŠENJA ZAHTEVA

Zahtjevi za finansiranja sa potrebnom dokumentacijom podnose se u zatvorenim kovertama sa naznakom "Zahtjev za finansiranje iz linije Općina Novo Sarajevo" lično na protokol ili preporučenom poštom, na adresu: BOSNA BANK INTERNATIONAL d.d. Sarajevo, Trg djece Sarajeva b.b. ili putem elektronske pošte: [linijanovosarajevo@bbi.ba](mailto:linijanovosarajevo@bbi.ba)

### 9. UGOVOR O FINANSIRANJU

Prijem zahtjeva, proces analize, obrade i odobravanja za finansiranje iz sredstava finansijske linije vršit će se u skladu sa redovnim procedurama BBI banke. Ugovorom između BBI i Korisnika finansiranja će se definisati međusobne obaveze i prava ugovornih strana, te način korištenja finansiranja.

### 10. OSTALO

U postupku podnošenja zahtjeva po Javnom pozivu Banka ne snosi nikakve troškove učesnicima, te zadržava pravo da u slučaju opravdanosti zahtjeva u potpunosti odbije. Dostavljena dokumentacija se neće vraćati.

### 11. INFORMACIJE

Dodatne informacije mogu se dobiti u najbližoj poslovnicu BOSNA BANK INTERNATIONAL d.d. Sarajevo, e-mail: [linijanovosarajevo@bbi.ba](mailto:linijanovosarajevo@bbi.ba), te pozivom na brojeve telefona: 033/275-137, 275-507, 275-289 i 257-702.

<sup>1</sup>Banka zadržava pravo da postupi prema aktuelnim internim aktima, politikama i procedurama